

Broj: 101- 9015/24 DŽS **055** .
Zenica, 05.08.2024. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), na Preporuku Komisije za nabavku broj: 501-9013-1/24 DŽS od 05.08.2024. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-9013/24 DŽS od 05.08.2024. godine u postupku dodjele okvirnog sporazuma za nabavku mini bagera i prihvata se preporuka Komisije za nabavke da se okvirni sporazum zaključi sa ponuđačem:

Teknoxgroup BH d.o.o.

kao najbolje ocijenjenom ponuđaču, prema ponudi protokoliranoj pod brojem: 501-8373/24 od 19.07.2024. godine, za ponuđenu cijenu od 149.700,00 KM bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

III

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22, 50/24).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-7398/24 BS od 27.06.2024. godine. Javna nabavka je provedena putem otvorenog postupka sa zaključivanjem okvirnog sporazuma na period od 3 mjeseca.

Procijenjena vrijednost javne nabavke bez uračunatog PDV-a je 150.000,00 KM.

Dana 27.06.2024.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-272-3-139/24 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 19.07.2024. godine.

Rok za dostavljanje ponuda je bio 19.07.2024. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljena je jedna ponuda u zatvorenoj kovrti, i to:

1. Teknoxgroup BH d.o.o.

Komisija za nabavku imenovana je Odlukom broj: 101- 7498/24 ME od 27.06.2024.godine, kao i Odlukom o dopuni Odluke o imenovanju, broj: 101-7498-1/24 od 15.07.2024. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna),
- da je blagovremeno zaprimljena 1 (jedna) ponuda,
- da nema neblagovremeno zaprimljenih ponuda,

Komisija za nabavku je dana 05.08.2024. godine direktoru preduzeća dostavila Zapisnik o ocjeni ponuda broj: 501-9013/24 DŽS od 05.08.2024. godine sa preporukom o izboru najpovoljnijeg ponuđača:

Uvidom u priloženu dokumentaciju postupka broj: 403-7398-3/24 BS od 27.06.2024. godine – Nabavka mini bagera, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", 39/14, 59/22), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena dostavljene ponude neprirodno niska.

Dana 25.07.2024. godine ugovorni organ je dopisom broj: 501-8373-1/24 MP od ponuđača zatražio pojašnjenje ponude u odnosu na sadržaj Izjave o obezbjeđenju važeće upotrebne dozvole za mašinu.

Dana 29.07.2024. godine na protokolu ugovornog organa je zaprimljeno pojašnjenje – izjava ponuđača a koje je Komisija prihvatila te je ponuda ocijenjena kao formalno-pravno i tehnički prihvatljiva.

Slijedom tenderske dokumentacije predmetnog postupka nabavke ugovorni organ je Rješenjem broj: 101-8958/24 ME od 01.08.2024. godine imenovao Komisiju za testiranje i tehnički prijem mini bagera koja je postupila po zadatku te je dana 02.08.2024. godine izvršila testiranje mini bagera o čemu je sačinjen odgovarajući zapisnik sa zaključkom da testirana mašina zadovoljava tražene tehničke specifikacije.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. Teknoxgroup BH d.o.o., sa ukupnom cijenom ponude u iznosu od 149.700,00 KM bez PDV-a

U skladu sa tenderskom dokumentacijom Komisija za testiranje i tehnički prijem mini bagera će nakon potpisivanja okvirnog sporazuma sa izabranim ponuđačem i dostavljanja mini bagera u krug preduzeća ponovo testirati i provjeriti isporučenu mašinu te će, ukoliko se utvrdi da isporučena mašina zadovoljava tražene tehničke specifikacije, sačiniti Zapisnik o primopredaji isporučene mašine.

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku mini bagera dao ponuđač Teknoxgroup BH d.o.o. jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH“, broj: 39/14, 59/22) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

DOSTAVLJENO:

- 1 x Ponuđači
- 1 x Direktor preduzeća
- 1 x Pom.dir.za ekon. i prav.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 3 x Članovima Komisije
- 1 x Službenik za javne nabavke
- 1 x Sekretar Komisije
- 1 x a/a


Direktor.
Pašalić Emir, dipl. ing. građ.